

Ի ՄԱՀ

ԱՍՏՈՒԱԾԱՍԻՐԻ ԵՒ ԱԶԳԱՍԻՐԻ

Պ . ԱԲՐԱՀԱՄՈՒ ԱՂԱՆՈՒՐ

ԱՌՏԻԿԻՆ ՆՈՐԱ ԱՅՐԻ

Ե Ր Գ

Ողբ սիրելւոյ յունկն իմ ազգէ , զոր լան բըլուրք եւգանեանք ,
 Օր ողբայ կըղզեակն ի ծոց Հանդրին ալեացն ըմբերձիկ .
 Ընդըստին այսր ի յափունըս Տիբերի հընչեաց գոյժ ,
 Ընտի ի Թեւըս սեւաթոյր Թուցեալ եհաս յԼ.յորարատ ,
 Եւ զԱՂԱՆՈՒՐ եղերերգեն ալիքն այժմիկ Եփրատայ :
 Ո՛հ , մեռաւ բարեպաշտիկ զաւակն Հայկայ եւ պարծանք ,
 Ի համբոյր Խաչեցելոյն նա զշունչն յետին աւանդեաց .
 Ո՛հ , մեռաւ բարեգութն ի սուգ հիւքին եւ տընանկի ,
 Եւ զարտասուս նոցին սըրբէր , նա հայր որբոց էր ուայրեաց .
 Ո՛հ , մեռաւ ազգասէրն՝ այն որ իւրախոյս հայրենեաց ,
 Յորդոր վարժից եւ վարժեւոցն էր ձեռննտու եւ խնամող :
 Հոգին հայկազն համակ ի Թուխըս սաւառնեալ զԵփրատաւ ,
 Օայսոսիկ յեղեղէ ողբս հանուրց ի լուր համազգեաց . . .
 Յաւերժացիր , հրեշտակ անմահ , լալ ըզբոյոյ մահ սանուն ,
 Տարփողել ըզնորին զառաքինի լաւութիւնս ,
 Ի զնա բնաւից տալ տիպար անմահութեան տարիելոց .
 Իսկ առ այրին տըխուր ինձ զայս Թող ուղերձել յորդորակ :
 Դադարեա , Սամնի տիկին , Թանալ զաճիւն իւր յարտօսր .
 Ոչ մեռաւ , Թըռեաւ փիւնիկ նա ի մահուն վերկենցաղ .
 Իբր ըզթիթեւըն Թեւազգեաց լըբեալ ըզխորիս երկրաքարշ ,
 Սան արհիական սլացաւ յաստեղս անդր ի վեր ,
 Ուստի զերկիր ընդ ոտիւք կարեկցաբար նըշմարէ .
 Ուր նեկտար անմահական մըշտանորոգ մանկութիւն
 Եւ գեղ արփիահարաշ ցայտէ ի դէմրս նորուն :
 Դան նախահարքն անդանօր եթերաբնակք ընդառաջ ,
 Դան դըստերբըն սիրելիք անմահացեալք նայապէս .
 Երբա զըւարթ ի գոչիւն՝ Բարեաւ որդեակ մեր եկիր ,

Սոքա կրկնեն՝ Կեաց հայրիկ , ըզծայր ըղձիցդ եկ ընկալ :
 Պայ իւրովքըն՝ Պահլաւիկ եւ զնա 'նդ որդիս իւր խառնէ ,
 Բամից սրբոց եւ հրեզլինաց դասուցըն գոլ պարակից .
 Ղըշխոյին երկնից ի դէմն աստուածահրաշ ըզմայլել ,
 Լսյն որ ըզգլուխ իժին ամբիծ գարշապարաւըն կոխեաց .
 Երրեակ լուսոյն հուպ եւ տեսող հըրճուել յանկէտ պարունակ ,
 Ուր չիք ըստուեր տըխրանաց , ուստի մերժեալ վիշտ եւ ցաւ ,
 Ուր ցընծութիւնն է յաւերժ , տիւ ըախճական աներեկ :

Հնապա հան , Տիկին , զերանգըդ տըրտմական ի յանձնէ ,
 Սըփռեա ծաղկունս ըզշիրման՝ յորում զաճիւնն հանգուցեր .
 Որ այդպէսըն մեռանի , գեր ի վերոյ կայ մահուն .
 Լսյդպէս մեռաւ Լքրահամ , այդպէս Սահակ եւ Յակոբ ,
 Լսլ կեան ի Տէրըն կենդանեաց , վկայէ հրավառ մորենին .
 Լսյդպէս եւ հոյլք արդարոց մեռան , այլ կեան եւ կեցցեն ,
 Լնեղին ի գիրկըս Հօրըն փայփայեալք որդեպէս :
 Լնդ նոքա ի խորանս երկնից դէտակն ունին մեզ ,
 Սեզ իսկ անդ զերանաւէտ մաղթեն զիւրեանցըն նըսեհ ,
 Վան ի յերկրի աստ ի յերկնից իւրեանցայնոցն ըղձակերտք :
 Սանաւանդ քումըդ սիրայնոյ զինչ այլ ըղձումն , ո՞ր այլ հոգ ,
 Բաց ի քէն , բաց ի քոյոցըդ սիրասուն որդեկաց .
 Ոչ այնպէս նըշոյլք արփւոյն ընդ համագոյս ծաւալեալ ,
 Որպէս նորին հայրագութ խընամք զիւրովքըն սըփռին :

Յորմէ հետէ զմահ յանձն առեալ անպարտականըն մահու
 Պարտեաց ըզմահ , եւ զգըժօխոց հըզօրն ըզնիգս աղարտեալ
 Յարեաւ փառօք եւ կայ 'նդ աջմէ Հօր վասըն մեր բարեխօս
 Ի սպիս վիրացըն զոր ի տան սիրեցելոյն ընկալաւ ,
 Ոչ եւրս մահ զօրէ ի մեզ , շիջան խայթոցք իւր իսպառ .
 Ոչ իսկ մեռաւ ԱՂԱՆՈՒՐ , այլ ընդ փըրկչին կենակից
 Յեղծանելի կենցաղոյս անց նա յանեղծն ի կենցաղ ,
 Սահկանացու երբեմն եւ այժմ անմահ գոլով քեզ փեսայ :

ՎՐՈՅՐ

